

TE HEHEURAA API

NENEIHIA I ROTO I TE PIHA NENEIRAA A TE EKALESIA A IESU MESIA I TE
FEIA MO'A I TE MAU MAHANA HOPEA NEL.
PAPEETE, TAHITI, I TE MAU AVA'E ATOA.

*Te hoo: E 2 farane i te matahiti Hoê
e e 5 farane i na matahiti e Toru.*

No. 10

Atopa 1937.

Mat. 31.

PARAU TUMU

“Te faaroo nei matou e, ei taata maiti mauhia e te Atua, na roto i te tohu, e te tuuraa rima o te feia toro'a e tia'i, ia a'o i te Evanelia e ia faatere i te mau ohipa no to'na ra toro'a”.

Mau Irava Taufuru

Roma 10: 14, 15. Hebera 5: 4. Ioane 15: 16. Ioane 20: 21; 24. Mareto 3: 14, 15. Mataio 18: 18. Numera 27: 18-24. Deuteronomi 34: 9. Ohipa 13: 1-4.

P A R A U N O T E V E A

I te ava'e no Tenuare i mua nei 1938, e faanuuhia te hoo no te vea. E 5 farane i te matahiti hoê, e hoê ahuru farane i te na matahiti e toru. E faaitoito te taata paatoâ i te haponoraa'tu i te moni Veā, hou te taeraa i nia i taua moni hoo ra. E mai te mea hoi e, ua hope ta oe Veā, e amuihia te moni api i taua Veā ra.

EDITORIALE

THOMAS L. WOODBURY.

Feia i ma'itihia

Inaha! Amene, amene, te parau atu nei au i te taata paatoa no te ao nei ra. Aore hoi ia e mea maitai ia rave noa i te toro'a orometua. O tei hau i te maitai ia maitihia e tia'i. I te anotau o te Mesia ra, maiti iho ra oia i na Apotetoro ra e tino ahuru e ma piti, e ua faatorohia'tu ma te mana rahi, ia hahaere e poro haere i te Evanelia.

"Eaha hoi te taata nei e tia ia faaite ia ore ratou ia tonohia?"

E hoa ino ma ê, eiaha tatou e opua i te haru roa i te mana o Iehova ra.: Aore hoi i faatiahia.

Mai te maitiraa o Aarona, e o Iosua, e o te tino ahuru e ma piti Apotetoro, e o Paulo raua o Baranaba, e na reira hoi tatou ra.

Ua noahia mai e o Iotepha Semita raua Olivera i te mana no ô mai i te Atua ra ia haapa'o te toro'a autahu'araa ra. Te autahu'araa o Aarona, e to Melehiteteta hoi, ia faatere raua i te ohipa tia o te Fatu ra i te tau hopea nei.

E na reira'toa hoi tatou i teie nei anotau ra, ia noaâ mai te mana Autahu'araa no ô mai ia Iesu e tia'i.

E mai te papaihia e: Ua haapae iho ra ratou i te maa e pure atu ra, ua tuu a'era, tono atu ra ratou ia raua.

E hi'o te mau irava tauturu, i te api hoê o teie nei Vea.

TE PARAU AUTAHU'ARAA

TIHOTI M. LAKE.

BENIAMINA WINKEL.

LEVI LEATHAM.

ELEDONA MORTENSEN.

Haapiiraa no te ava'e Novema.

Feia i Maitihia

(Te tumu o te maitiraa). Roma 10: 15, 16. 1 Petero. 4: 11.

(Maitiraa o Aarona). Exodo 28: 1 — 4: 15. Numera 27: 18-24.

(Maitiraa o Iotua) Numera 27: 18. 27: 22, 23. Deuteronomi 34: 9.

(Maitiraa o te tino ahuru ma piti) Ioane 16: 15. Ioane 20: 21-24.

Mareko 3: 4. Mataio 18: 18.

Te tahi maitiraa. Ohipa 6: 15-16. Ohipa 13: 1-6.

E tauturu te pupu toro'a i te parau i nene'ihia i te api mata-mua, e te Editoriale.

E haapii atoa hoi te maitiraa o te peropheta Iotepha raua o Olivera.

Na te mau feia haapii e hahae na te mau utua-fare, e opere maite i te tahi mau parau matamua o te faaroo, oia hoi te *Varua Maitai*.

O tei haapa'o e horo'ahia te Varua Maita'i. Ohipa 5: 32. Ohipa 9: 17. Te tuuraa rima. Ohipa 8: 15-20. Ohipa 19: 1-8. II Timoteo 1: 6.

TE TOTAIETE VAHINE TAUTURU.

MAUDE WOODBURY.

TOTARE GREEN.

NOROTA HARDY.

IOSEPHA G. STEVENS.

Haapiiraa no te ava'e Novema

Mahana Maha (Matamua)

Te faariroraa o Paulo, e Ekalesia Ohipa 8: 1—4 Ohipa 9: 1—20 Ohipa
9: 26—29. Iritiraa mana'o

Mahana Maha (Piti)

Ohipa 22: 1—17

Na te mau tuahine e hahae i te utuafare, e haapii haere i te mau
parau o te faaroo. Ia tupu hoi ta te taata, mai ta Paulo te huru.

E parau matamua te faaroo, o te Evanelia ra, e te faaroo nei, o te tiaturi
ia i te mau mea e tiahiia nei, e te ite i te mau mea aore e hi'ohia.

Mahana Maha (Toru)

Amona e te Arii ra o Lamoni. Alama pene 20.

Mahana Maha (Maha)

Te faaineineraa, e te tunuraa i te maa. E faaite mai i te rave'a o tei
hau i te maitai i te haapa'oraa o te mau huru maa.

Haapiiraa Sabati

GOLADENA W. MACK.
TENETA A. WILDE.

ANDEREA N. MACHEN.
PÉRETI B. ASAY.

HA APIIRAA NO TE AVA'E NOVEMA

Novema 7

Te ohipa maitai i ravehia e Alama raua o Amuleka. Alama pene 8 e te 9.

Novema 14

Te ohipa maitai i ravehia e Alama raua o Amuleka. Alama pene 10 e te 11.

Novema 21.

Ua tapeahia Alama raua o Amuleka. Alama pene 14.

Novema 28

Hoê ahuru ma maha matahiti e orometua. Alama 12, 19

TE PUPU PITI

Te maitiraa taata toro'a. A hi'o te api matamua o teie nei Vea e te Editoriale.

Te Paraimere

Te parau no Luka. Luka pene 1 e te 2.

« « « Boata. Ruta na pene 3 e te 4.

E mea maitai te parau i roto i te Buka a Ruta. E haapii i taua aroha rahi. Ruta 1: 16.

Haapiiraa na te Feia Api.

TENA PALMER.

VERANONA C. THURGOOD.

NOELA C. DEVEY.

VELA C. HUNTING.

I. Papaihia e Beniamina Winkel.

HAAPIIRAA PAE

"Hou te Fenua nei i hamanihia'i"

Uiraa 1. O vai te pupu taata matamua tei faaea i nia i te fenua Marite, i muri a'e te diluvi?

Pahonoraa: Te Ati Iareda. E, ua tae mai ratou i reira e 2250 tiahapa matahiti hou Iesu i fanauhia'i mai Babela mai.

Uiraa 2. A tatara mai te hoê orama i iteahia e te "taeae a Iareda?"

Pahonoraa: Te faaineine ra te Ati Iareda i te tere i nia i te moana, e ua tuu atu oia te tahi mau ofai nainai i mua i te aro o te Fatu, ma te pure atu ia faahuruê i teie mau ofai ei mea anaana, ia riro ei mori i roto i to ratou mau pahi, a pure ai oia, ua iritihia mai te paruru o to'na mata e ite atura oia i te rima o te Fatu, mairi ihora oia i raro, no te mea, aita oia i mana'o e rima mai to te taata nei to te Atua. I reira, ua faaite Iesu i te hoho'a mau o to'na tino varua, e taua huru ra, mai te taata nei ia, e, ua na-ô-maira Iesu: inaha, o vau tei haapa'ohia mai te tumu mai ia o teie nei ao e faaora i to'u feia. A tai'o maite, Etera 3: 4-16.

Uiraa 3. No te aha, te taeae a Iareda i ite e orama mai tefe te nehenehe?

Pahonoraa: No te mea, aita roa Iesu i ite i te hoê taata mai te matamua mai â, mai ia'na, oia hoi, mai to'na faaroo rahi.

Uiraa 4. Ua faaitehia mai e na faufaa rahi e toru na tatou, i roto i teie nei orama, Eaha ratou?

Pahonoraa: 1. Ua ora Iesu, e ua rave hoi te ohipa, hou teie nei ao?

2. Ua au te hoho'a o te varua, i te hoho'a o te taata nei.

3. Ua maitihia Iesu no te taraihara, hou te ao i hamanihia'i.

Uiraa 5. E mea nahea Iesu i te faaiteraahia, ua ora tatou hou teie ora?

Pahonoraa: Na-ô-maira oia: "Abiri paha outou e ite na i te tamaiti a te taata i te hoi faahouraa'tu i nia i te vahi ta'na i parahi i mutaa ihora. I te tahi mahana, ua pahono i te hoê uiraa i te parau e, "Amene, amene, e parau atu vau ia outou, aita Aberahama i fanau, te vai nei au".

Uiraa 6. Ua ui mai ra te mau pipi ia Iesu a ite atu ai ratou i te hoê matapo, na vai te hara, na'na iho anei, e na na metua anei i fanau ai oia. Eaha ta Iesu i pahono ia ratou?

Pahonoraa: E ere i te hara na teie nei taata, e te hara na na metua ra, no te mea ra, a itea te ohipa a te Atua ia'na nei.

Uiraa 7. Ua iteahia anei te ohipa a te Atua i nia iho ia'na?

Pahonoraa: Oia ia, ua faaorahia oia e ana, e mai teie te huru: ua tufaha ihora i te huare i te repo, ua parai atura i te repo i te mata o taua taata matapo ra, e ua parau atura ia'na, a haere, a horoi i to mata i te pape ra Siloama (oia hoi tonohia), haere atura oia, horoi ihora, e haere maira ma te ite.

Parau Tauturu:

Etera 3: 4-16 — Ioane 6: 62 — Ioane 17: 5 — Ioane 9: 1-7.

"E, e metua hoi to tatou to te tino nei, o tei a'o mai ia tatou, e ua faaiti hoi tatou. Eiaha ia rahi atu to tatou auraro i te metua o te varua nei, e ia ora'tu?"... Hebera 12: 9.

HAAPIIRAA PNO

"Te aro o te Ino"

Uiraa 1. "Taí'o Luka; 5 — 8". Eaha te haapiiraa i faaitohia mai i roto i teie nei parabole o te "taata ueue huero ra"?

Pahonoraa: Te faaite mai nei Iesu te huru o te mau taata atoa tei faaroo i te parau a te Fatu, e te haapiiraa i haapiihia ra, o teie ia; o Satane te tumu mau o te ino atoa, e noa'tu te ite papu o te hoê taata i te huero evanelia, e faahemahia iho a oia e Satane e, e tamata noa Satane i te ravea ia aratai mai ia'na i rapae. E mai te au o te parabole, ia ore i mairi i te vahi repo maitai ra, e manuihia oia.

Uiraa 2. O vai te ueue te ino i roto i te ao nei?

Pahonoraa: O Satane, e ta'na mau melahi.

Uiraa 3. Teihea ratou i teie nei?

Pahonoraa: Tei nia i te ao nei, eiaha te tahi ao taa e, e te ite noa-hia nei i ta ratou mau ohipa ino i te mau mahana atoa.

Uiraa 4. O vai te io'a o Satane a hurihia mai ai oia mai mua atu i te aro o te Atua ra?

Pahonoraa: O Eilela, te tamaiti no te poipoi.

Uiraa 5. E mea nahea Satane i riro ai ei Diapolo?

Pahonoraa: I te ao varua, hou te hamaniraahia o teie nei ao, ua tuu mai te Atua Metua i te hoê opuaraa no'na ra, no te hamaniraa te ao nei; e naroto i te reira opuaraa, e mea tia ra ia maiti i te hoê taata ei iaora no te ao e, i reira, ua faaite mai (eilela) i to'na mana'o. Inaha teie au, o vau ta oe e tono atu e riro e, tamaiti na oe, e faaora vau i te mau taata atoa, ia ore te hoê o ratou e moe e atu, area ra, ho-mai ia'u te hanahana e te tura.

E, inaha ra ta'u tamaiti here rahi o tei maitihia e au i te matamua roa ra, tau Metua ia haapa'ohia i to oe hinaaro, ei ia oe

te hanahana e a muri noa'tu. Riri a'era Satane, e tama'i atu ra tera ra ua vi oia, e ua hurihia oia i rapae, e ua topahia to'na io'a o Satane, te diaporu, te metua o te haavare, ia faahema i te taata, e ia haa-mata-pohia ratou, ia faaairo mai ia ratou ei tavini na na iho.

Uiraa 6. E hia rahiraa varua, o tei pee i muri ia Satane?

Pahonoraa: E toru tufaa o taua mau varua i te ao varua i te matamua ra.

Uiraa 7. Ahlri Satane i riro ei faaora no tatou, ua aha ia?

Pahonoraa: Ua faaore ia i to tatou tiamâ.

Uiraa 8. No te aha, oia i faaore ai to tatou tiamâ?

Pahonoraa: No te mea e, ua faaora noa oia ia tatou, noa'tu i to tatou hinaaro.

Parau Tauturu:

Luka 8: 4-15.

Isaia 14: 12-13.

Apokalupo 12: 4.

Mose 4: 1-4.

Buka Fafau 29: 36, 37.

» » 76: 25, 27.

“Ua faaroo oe i te parau e, hoê roa Atua; ua tia te reira, ua faaroo atoa hoi te mau demoni i te reira e ua rurutaina”.

Iakobo 2: 19.

HAAPHIRAA HITU

“No te aha te ino i te ao nei.”

Uiraa 1. Ua haapae Iesu i te maa e maha ahuru mabana i te medebara, i reira, ua haere maira taua faahema ra, nahea mai ra?

Pahonoraa: Na ô mai ra, e tamaiti oe na te Atua, a parau i teie mau ofai ia riro ei maa.

Uiraa 2: Nahea mai ra te pahonoraa?

Pahonoraa: E ore te taata e ora i te maa ana'e, i te mau mea ra i haapa'ohia e te Atua.

Uiraa 3. Ua faahema faahou mai anei Satane ia'na?

Pahonoraa: E, ua piti-faahou-hia, i te faahema ia'na.

Uiraa 4. Eaha te huru o taua na faahemaraa ra?

Pahonoraa: 1. Aratai atura te diabololo ia'na i te oire mo'a, e faatia ihora ia'na i nia iho i te poretiko o te hiero ra, aparau atu ai ia Iesu a haamairi oe ia oe iho i raro. Na ô atura Iesu, "Eiaha oe e ââ i to Atua ra ia Iehova.

2. Aratai faahou atura Satane ia'na i nia i te hoê mou'a teitei, faaite maira ia'na i te mau basileia atoa i te ao nei e to ratou hinuhinu, e parau mai ra, e horo'a'tu vau i teie nei mau mea'toa ia oe ia tipapa mai oe i raro e haamori ia'u. Ua parau atura Iesu: e haere ê atu Satane, ua oti hoi i te papaihia, O to Atua, O Iehova ta oe e haamori e Oia ana'e ta oe e faaroo.

Uiraa 5. No te aha Satane i faahema'i ia Iesu?

Pahonoraa: Ua peapea Satane i te mea e, ia manuia Iesu i to'na taraihara e parari to'na mana, e ore to'na basileia, e e tae faahou te taata nei i mua i te aro o te Atua ra. E no reira, ua tamata oia i te faahema ia Iesu, ia ore Iesu i manuia, ia vai noa'tu â ra oia mai te Arii o to te ao.

Uiraa 6. No te aha, te ino i te ao nei?

Pahonoraa: Ia tia ia tatou ia faaoromai e haere noa'tu â i nia i te ê'a ta te Atua i faataa, ia faa-noaa mai ia tatou te utu'a mai-tai, mai ia Iesu. Ahiri aita Oia i faaoromai i te mau iui, e te mau huru Ati e rave rahi, e te pohe atoa. Aita paha tatou e here ia'na, mai te au i ta tatou e na reira noa nei.

Uiraa 7. No te aha te Atua i tuu mai ai ia tatou i nia i te ao nei, a anoihia'i i te ino?

Pahonoraa: Ua na reira oia mai ia tatou, ia faatupu i ta'na ohipa, oia hoi ia faariro te mea tahuti ei tahuti ore, e ia faatae mai te ora mure ore. Oia'toa hoi ia tia ia tatou ia haere â i mua, na roto i te faaoromai i teie ino, mai te rave hoi i te maitai.

Parau tauturu:

Mat. 4: 1-11. — Nephi 2: 2-27.

Aberahama 1: 39. — Buka Fafau 29: 39.

“I ati mai outou ia'u ra, e ia vai maite ta'u parau i roto ia outou na, e ani noa ia outou i ta outou i hinaaro ra, e e horoahia ia ia outou.” Ioane 15: 7.

HAAPIIRAA VA'U

“Pure”

Uiraa 1. Eaha ia te taviri i noaa mai te ite no ô mai i te Atua ra?

Pahonoraa: Te pure ia.

Uiraa 2. Eaha ia te pure?

Pahonoraa: Te hiaai mau o te aau.

Uiraa 3. Eaha te pure ta Iesu i haapii i ta'na mau pipi?

Pahonoraa: To matou metua i te ao ra, ia raa to oe i'oa, ia tae to oe ra basileia, ia haapa'ohia to oe hinaaro i te fenua nei, ma tei te ra'i atoa na. Hô-mai i te maa e au ia matou i te mau mahana atoa nei, e faaore mai i ta matou hara, te faaore nei hoi matou i tei hara atoa ia matou nei. Eiaha e faarue ia matou e ia roohia-noa-hia i te ati, e faaora ia matou i te ino. Luka 11: 1-4.

Uiraa 4. Eaha te tumu Iesu i horoa mai ai i teie pure?

Pahonoraa: Ua horoa mai Iesu i teie pure no te mea, ua ani ratou ia Iesu i te pure “E te Fatu, a haapii mai ia matou i te pure”.

Uiraa 5. E hoho'a teie pure na vai?

Pahonoraa: Na ta'na mau pipi, ua ani mai ratou ia Iesu i te pure, e no reira oia i faatano te reira pure na ratou.

Uiraa 6. Te na ô mai ra te irava, ua ite te Atua i te mau mea hinaarohia e tatou hou te aniraahia. Eaha ia te faufaa ia ani ia'na?

Pahonoraa: E toru tumu te vai nei ia faatia ia tatou i te pure. 1. Ia faahaehaa ia tatou iho, ia auraro ia'na. — 2. Ia tatarahapa hoi i ta tatou mau hara nainai ta tatou e rave noa nei. — 3. Ia faatano to tatou feruriraa i to tatou Metua.

Uiraa 7. No te aha e tia'i ia tatou ia pure. "To matou Metua i te ao"?

Pahonoraa: No te mea, o Oia to tatou Metua i te pae Varua.

Uiraa 8. E hia taime e tia ia tatou ia pure i te mahana hoê?

Pahonoraa: A pure i te poipoi, hou te haamataraa i te ohipa o taua mahana ra, e i te po, hou i te taotoraa. Mai te mea e, ua farerei tatou i te ati, e aore ra, te hoê ohipa tei ore i taa i to tatou mana'o, e pure iho â ia i te Atua. Hoê ra tumu e tia ia tatou ia haamana'o, e taua tumu nei, o teie ia; e pure pine-pine, eiaha ia mo'e.

"Amene, amene, e parau atu vau ia outou, ia outou e ani atu i te Metua ma to'u nei i'oa, na'na ia e horo'a mai ia outou na. Aore â outou mea i ere ma to'u nei i'oa: e ani, e roaa ia ia outou ia tia roa to outou oaoa".

Te Paraimere

ROBETA M. JOHNSON.

HENERE C. TEEPLES.

RAREFA R. TAYLOR.

NILE R. CHUGG.

HAAPIIRAA NO TE AVA'E NOVEMA

Ua au hoi te parau i maitihia no te feia api ei haapiiraa no te Paraimere,

te mea ua iteahia, tei roto ïa i teihea haapaoraa, i rotopu i te mau haapaoraa o te ao nei, te faaiteraahia tau mau mea ra ?

Te faaroo nei matou e, i te mairiraa o te tau o te mau Aposetolo, ua taiva te Ekalesia mau i faatiahia e Iesu Mesia i mutaa ihora. No reira, ia itehia te Ekalesia a Iesu Mesia i te ao nei, i teie anotau, ua faatia faahou hia ïa e te Mana Mo'a no ô mai i te Atua ra.

Ua ite atea hia, e te Atua, e taiva to'na feia i te parau tia, e e tamata ratou i te faatia i to ratou iho mau huru haamoriraa. Ua parau a'era te Atua, na roto i Ta'na mau Perophe-ta tahito no taua taivaraa rahi ra. I roto i te Faufaa Tahito ua tohu mai o Isaia no te taivaraa, a na ô mai ai oia e: *Ua viivii te fenua i raro a'e i te taata ra; ua hapa ratou i te tu-*

TE MAU IRAVA TAUTURU

APOSETOLO. Galatia 1:2; Ephesia 2:20,21.

PEROPHETA. Ohipa 3:24; Luka 7:28.

TAHU'A RAHI. Hebera 3:1; 4:14.

PATEREAREHA. II Timoteo 4:5; Ohipa 21:8.

HITU AHURU. Numera 12:16-25; Luka 10:1 e te 17.

EPISEKOPO. Philipi 1:1; Tito 1;7; I Timoteo 3;1.

PERESIBUTERO. Ohipa 14:23; 15:5; I Petero 5;1-3.

TAHU'A. Luka 1:5; Apokalupo 5:10; 20;6.

HAAPII. Ohipa 13:1.

DIAKONO. I Timoteo 3:8-13.

E mea au anei ia oe ta oe Ve'a? A hoo faahou no na matahiti e 3

E afaihia te moni i nia i te 1 no Tenuare 1938.

E faaitoito, ia mau maitai taua mau parau ra.

E haapii atoa i te tahi mau ohipa rii arearea o te au i te Paraimere.

No te Faaroo

Ua ite tatou i ta Paulo i parau mai no nia i te faaroo (Hebera 11). Te reira parau ra, no te tau tahito ia te parauraa mai. Eaha te huru no te feruriraa no nia i te faaroo i teie nei tau.

Teie te tahi mau mana'o no te tahi mau taata paari no teie nei tau.

« Te faaroo o te haamataraa ia o te ite ». Ua faaitohia i roto i te Masei 1: 7. O te mata'u ia Iehova te haamataraa. Mai te mea ua mata'u tatou ia'na, te faaroo nei tatou i to'na mana e to'na puai, no reira mai, te mau ite atoa. (Iakobo 1: 5).

« E faahuruê te faaroo i te aau o te taata ». « E faaroo-ora, e tatarahapa ia. Ua ite tatou, ia faaroo tatou i te Atua, e tupu ia tatou te hinaaro ia ite ia'na, e e tupu a'e ra te hinaaro ia rave i te ohipa maitai e o te tatarahapa i te ohipa matamua ».

« E e'a âro te faaroo, e tae atu ai tatou i te manuia ». E feruri tatou i nia iho i teie nei aamu. I te hoê mahiana te tanu ra te hoê tamaiti i te huero tiare. Ua haere mai te hoê taata e ua parau oia i taua tamaiti nei: Eaha te mea ta oe e tanu na? Te huero anei e aore râ te tiare iho. Ua feruri ihora te tamaiti e ua mana'o oia e maamaa to te ra taata. Muri a'e râ, ua taa atu ra ia'na te auraa o te parau; teie ia: ia tanu tatou i te huero, te feruri nei tatou i te huru o te tiare, i to'na nehenehe: e i roto i to tatou feruriraa, e hotu mai te tiare, e aita iho â e tapitapi i te feruriraa. E hotu mai te tiare.

« Mai te peu, e ua paruparu to oe faaroo i te taata atoâ, a feruri, teihea ta oe iho hapa ». Te natura noa iho te reira no te taata atoa nei; te hinaaro ia e pari na te tahi taata te hapa. Ia ore te hoê taata e manuia i te tahi opuaraa e tuu oia i te hape i nia ia vetahi e ra.

« Eita e nehenehe i te Faaroo e te Feaa e vai i te vahi hoê. » Mai te reira te huru ia faaroo te taata i te hoê mea aita to'na mana'o e fifi i te feaa.

E ia hinaaro te taata i te feaa i te hoê mea, e ohipa huru rahi i te faatamau i te Faaroo ia'na.

Tihoti Orometua.

Geo. W. Lake.

A ara i te Mauhaa Ino

Te faaite mai ra te hoê aamu (legend) tuutuu a te Tinito i ta te Metua o te Hara opuaraa ia faatupu i te hooraa i ta'na mauhaa atoa i te mau taata tei aufau i te moni ta te metua i tuu.

Ua tuuhia te mau mauhaa i nia i te hoê pa'epa'e ia nehenehe noa i te mau taata ia hi'opoa e ua tapa'ohia te mau mauhaa i to ratou i'oa, oia hoi: Te faaino ia vetahi ê, te hinaaro ti'a ore i ta te tahi ê, te au-ore ia vetahi ê, te nounou ti'a ore i ta te tahi ê, te haavare. Ua faaitehia te moni no te hooraa i nia iho i te tahi vahi parau i taamuhia i te mauhaa. Ua faataahia râ te tahi mauhaa ê, e mauhaa huru tahito, mai te huru ra e, ua faarave-noa-hia i te ohipa, area râ e moni teiaha roa no te reira.

Ua ani atu ra te hoê taata i te Diabolo, eaha ra te reira. Ua pahono te Diabolo: Te reira, o te haaparuparu mana'o ia, e e mauhaa maita'i roa. Ua ani te taata, eaha te tumu i tuuhia'i te moni rahi roa i nia iho.? Pahono te Diabolo: No te mea e mea faufaa roa'tu teie mauhaa i te tahi. Ua rave au i teie e, e nehenehe noa ia'u ia iriti i te aau o te taata, i te tahi mau mauhaa râ, aita roa. E ia ô vau i roto, e nehenehe noa ia'u ia rave i te reira taata mai te au i to'u hioraa e hinaaro aera vau, te ite nei oe e mea tahito roa. No te mea e, ua ravelhia i te pae rahi o te taata. E iti hoi o outou, te mau taata tahiti, tei ite mau i teie mauhaa.

Area râ ia rahi roa te moni i anihia no taua mauhaa ra e aita hoê taata i hinaaro e hoo. E te vai noa nei â te Diabolo, e te rave noa nei â oia i te reira,

E haapa'o maitai tatou ia tae mai te huru paruparu no to tatou mana'o i te faaroo no te mea o te reira ta te Diabolo mauhaa maita'i no te haapoheraa i te taata i te pae varua.

Faauhia ei reo Tahiti e Tihoti Lake.

Faatau i te Pure

Te parahi ra te hoê taata huru api i nia i te fenua êê, te itoitō ra oia i te faaroo, i te haapa'o maita'i, e i te pure. I te mau pô, e i te mau poi-poi atoa, tuturi iho ra oia i piha'i iho i to'na ro'i e pure atu ra i te Atua i nia i te ra'i. Ua mauruuru oia i te Atua no te mau haamaita'iraa i horo'ahia ia'na.

Ua riro oia ei taata itoitō i te roaaraa te mau taoa rahi no teie nei ao, haamata a'era oia i te haamoê i te mau mea maita'i a te Atua. Ua feruri oia e, e mea fifi te tuturiraa i piha'iho i te ro'i no te pureraa, area râ e pure au i nia iho i to'u ro'i ia ore te Atua ia riri ia'u.

Ua mairi te taime, te tupu noa nei ia ta'na mau ohipa no te pae tino nei i te rahi. Ua tuu ta'na itoitō faito-ore i te mau ohipa maitai, e i te pure. Ua feruri ra oia, e mea fifi te pureraa i nia i te ro'i. Eaha te ravea faufaa ia pure au ma te faahiti-ore. E nenei au i ta'u pure i nia iho i te hoê parau, e tuu atu ia i nia iho i te papa'i i pihaiho i ta'u ro'i, rave atura oia i te reira.

I muri iho i teie taime, na muri i te taоторaa i te pô, e i te oomora a i te mau ahu i te poipoi, parau ihora oia i te Atua, e te Atua te ra iho ta'u pure, na oe iho ia e taiô iho.

Ua faatau roa taua taata ra i te roaaraa te mau mea maitai no te basileia o te Atua, e ia tae atu taua taata ra i te haavaraa a te Atua, eaha ta'na utua? E parau ra te Atua ia'na, ua haere oe i roto i te basileia o te Diabolo, e tia'i, no te mea, aita i nava'i ta'u taime ia taiô i ta oe pure.

E ere te rê na te taata oioi, e na te taata vitiviti, ia'na râ te faaoroma'i te hopea.

Papaihia e Levi, Orometua.

Te ravea no te Ora

A parahi ai te Fatu i te ao nei, e rave rahi te mau parau maitai ta'na i haapii mai. E ere ta'na haapiiraa i te mau parau vaha ana'ehia, e mea faatumuhia râ, i nia iho i ta'na mau ohipa maitai i rave,

Ia haamana'o tatou i ta'na a'oraa i nia i te mou'a; oia hoi, i te hoê mau parau maitai, e te faufaa rahi ta'na i fafau atu i ta'na mau pipi. O tei na'o e: "E ao to tei haehaa te aau, no ratou hoi te Basileia". "E ao to tei hiaai i te maitai, e faaihia hoi ratou". "E ao to tei haehaa te aau, e ite hoi ratou i te Atua".

Na roto i te haehaa o te aau, e rave rahi te mau maitai te tupu, oia hoi, ua riro te mau mana'o ino, ei mau mana'o maitai e te hau; e ua mau te aroha rahi e te hamani maitai i roto i te aau. Na te aau haehaa e faatupu i to tatou hinaaro i te mea maitai, e ia hiaai tatou i taua maitai ra, ua faaihia tatou i te reira. Area râ, ia ore te haehaa o te aau, e mea papu e, aita tatou e titau faahou i te maitai, e hiaai râ tatou i te mau mea tia ore, e te mau mea faufaa ore no te ao nei. Noa'tu te mea ta tatou e hiaai, e riro mau taua mea ra ei avei'a no tatou. E ia tano te avei'a e faahaerehia tatou i nia i te parahiraa nehenehe e te oaoa, ia hape râ te avei'a e tere tatou na nia i te purumu o tei aratai ia tatou i raro i te vahi poiri, e te mauui.

O teihea te purumu ta tatou e hinaaro?

E au mau hoa e, a rohi tatou i te raveraa i te ohipa a to tatou Fatu. E mau tamarii ana'e tatou na'na, e te horo'a noa mai nei oia i te ora ia tatou, e te haamanuia atoa nei o'na ia tatou i te mau mea ta tatou e titau nei. Aita ra tatou i ite eaha te taime e rave e hia'tu to tatou ora no te pae tino nei no reira, ia faaineine maitai tatou ia tatou iho no taua taa-ê-raa ra e tia'i.

Ia itoitō â tatou i te imiraa i te maitai, e i te haaputuraa i te mau mea faufaa rahi no tatou i nia iho i te vairaa ora.

E noa'tu te mea ta tatou e titau, aita tatou e manuia, maori ra na roto i te ohipa ma te faaroo e te feââ ore, e ia na reira noa tatou i to tatou haereraa, aore roa tatou e ere i te mau maitai i hinaarohia. Ia tae ra i te taime e faarue ai tatou i teie nei ao, ua ineine tatou i reira no te fariiraa mai i te hoê tao'a rahi i haapa'ohia no te feia parau tia, e taua tao'a ra, o te ora ia.

O te hoê ia mea te roaâ na roto i te aau ma e te haehaa, e te hiaai i te parau tia.

Ia ora na tatou paatoa
Papaihia e Norota Orometua.

(Louis Drollet Gérant)